


Peter Becker

Programma Paschale Qvo Rector Acad. Rostochiens. M. Petrus Becker/ Mathem. Prof. Publ. Ord. ... Mortuorum Resurrectionem, In Resurrectione Christi Fundatam, Tanquam Verum Miraculum, Contra Leges Naturæ Factum, Civibus Academiæ Considerandum proponit ...

Rostochii: Literis Joh. Wepplingi[i], [1716?]

<http://purl.uni-rostock.de/rosdok/ppn1003520375>

Druck Freier  Zugang





T. 512.

1716. Ostern.

~~M-1256~~ ^{146.}

07. 1716

PROGRAMMA PASCHALE

QVO

RECTOR ACAD. ROSTOCHIENS.

M. PETRUS BECKER

Mathem. Prof. Publ. Ord., & ad Ædem Cathedral. Jacob,
Verbi Divini Minister.

**MORTUORUM
RESURRECTIONEM,**

IN

RESURRECTIONE

CHRISTI

FUNDATAM,

TANQVAM

VERUM MIRACULUM,

CONTRA LEGES NATURÆ

FACTUM,

Civibus Academiæ

Considerandum proponit, eosdemque ad lætissimum hoc
Festum, devotè celebrandum, hortatur.

**ROSTOCHII, Literis JOH. WEPPLINGI, SEREN. PRING,
& ACAD. Typogr.**



M. 1256 175



trum Diabolus, seculi hujus Prin-
ceps, aërisq; dominator, ut S. Sra-
eum Vocat, vera edere possit mira-
cula, disputare nonnulli solent.
Nos breviter distinguimus inter mi-
racula proprie sic dicta, & effe-
ctus quosdam extraordinarios. Fa-
cile largimur, malum Genium
varios effectus, qui consvetas natu-
ræ vires excedunt, Deo permittente, edere posse. Est
enim, uti dictum, aëris dominator. Hinc sine dubio
etiam subtilissimæ istius materiæ abstrusiores conditio-
nes, intimosqve recessus, & summam vim, cognita ha-
bet, atqve perspecta. Qvis ergo negaret, causarum natu-
ralium efficaciam ita ab illo dirigi posse, ut effectus in-
de seqvatur inusitatus? Sed iste nondum est miraculum.
Nam miraculum proprie sic dictum illud vocamus, quan-
do aliquid contingit, in quo leges motus naturales suspen-
sas esse clare intelligitur. Deus ergo sicuti autor illarum
legum est, ita ab eo solo suspendi eas posse, manifestum
est. Solus ergo Deus vera edit miracula: Diabolus
vero, permissione facta, extraordinarios dat effectus.

Sed vero non immerito quæritur, quid motus sit; &
quænam sint leges motus naturalis? Motus sane est idea
simplicissima. Hinc plane illis subscribimus, qui, eum
definiri posse, negant. Imo quilibet per se, quid motus
sit, longe evidentius cognoscit, quam si omnes Philoso-
phorum descriptiones in subsidium vocet. Qvod si vero
causâ motus, de qua Philosophi tantopere disputant, ab-
scondita nobis, atque abstruâ videatur: verum hoc erit
exemplum, ideam longe clarissimam, quæque vividissi-
mum sui sensum nobis imprimit, pro intellectus nostri
imbe-

imbecillitatē, non raro tamen novis tenebris esse circumfusam, atque involutam vid. Aut. Anon: Art. cognit. P. I. C. VIII, de Idear. Clar. & Distinct. &c.; & contrasentientem Cleric. in Log. P. I. C. IX. §. 4.; utrorumque vero sententiam feliciter conciliantem Budd. in philos. Instrum. P. I. c. II. §. 5. Leges motus quod attinet, eas accurate nobis expositas dedit. *Cleric. Lib. V. Phys. Cap. V. de Motu*: quas in compendium, elegantissimo ordine, contractas vid. *ap. Budd. P. V. Philos. Theoret. Cap. II. §. 2. &c.*

Sed dices: cum antea distinctum à nobis sit inter vera miracula, & effectus extraordinarios, sequi exinde, multa in S. Scra, divinitus facta, saltem pro extraordinariis effectibus, non vero pro miraculis, esse habenda? Ita quidem plane censemus, & tantum abest, ut S. Sacrae majestas hac assertione minuat, atque elevetur, ut potius effectus extraordinarii, cum miraculosis collati; S. Sacram magis illustrent, atque stabiliant.

Quaedam ergo exempla ita sunt comparata, ut tuto eadem ex classe miraculorum eximere, & in numerum effectuum, extra naturæ ordinem factorum, congregare liceat. Eo modo stupendus coturnicum cumulus, per excitatum ventum, circa castra Israëlitarum circumfundebatur, Numer. c. XI. Sic ignis, de cælo delapsus, milites, ad Eliam missos, confecit atque absumsit, 2. Reg. c. I.; & id genus alia.

Cum vero difficultate non careat, discernere, an effectus aliquis admirandus, & inusitatus, ex singulari causarum naturalium directione, an vero ex legum naturalium suspensione, ut pro vero miraculo sit habendus, procedat: in quibusdam saltem exemplis retinere assensum, atque *ἐπιεξελθῆναι* sustinere, consultum erit; idque eo magis, quando spirituum opera intercedit, quippe, quorum

quanta in rerum naturam efficacia sit, nobis plane non constat. Huc referrem exemplum Angeli, in castris Assyriorum, una nocte, tot millia trucidantis, 2. Reg. xix.

Alia verò exempla, eaque longe plurima, quis dubitaret, pro veris miraculis habenda, cum res ipsa tam claris argumentis, signisque luceat. Sic particulæ aquæ, in vinum mutatæ, Joh. c. II, nullo movente alio corpore, non solum in momento commovebantur, sed etiam figuras suas deponebant, novasque velut induebant. Sic aqua in mari rubro, atque Jordane, in motu posita, contra manifestam naturæ legem, gradum sistebat, & sua mobilitate privata, muri instar, dextra lævaque, pertinacissimo statu hærebat. Et sic in reliquis.

Inter omnia tamen miracula multum eminere existimamus mortuorum resurrectionem, in extremo imprimis judicio expectandam. Hic enim in centro quasi videas singulas motus leges everfas, atque mutatas. Non enim occasione alius cujusdam corporis moventis, sed immediate a DEO, insensiles corporum humanorum, in atomos resolutorum, particulæ, movebuntur, & impellentur. Quæ quidem in motu positæ, non promiscue omnibus sui generis, sed, DEO ita dirigente, eundem motum, illis tantum particulis, communicabunt, quæ ad certum quoddam suppositum constituentum jam olim pertinebant. Neque etiam in tali motu persistent, sed novas insuper, & spirituales qualitates, indutæ, extra omnem locum, omneque corporis crassioris consortium, in incomprehensibili æternæ beatitudinis, in singulis personis, placide acquiescent.

Ex quibus omnibus facile intelligitur, mortuorum resurrectionem, ex naturæ similibus, in hunc finem vulgo adductis, quoddammodo quidem, & quasi per umbram

umbram, illustrari, nequaquam autem demonstrari ex naturæ viribus posse.

Dices: Siccine aliquid admittendum in S. Scra, quod contra rationem esse deprehenditur? Enim vero ita perperam infertur: est contra naturæ leges, ergo est contra rationem. Imo, quia clare, & distincte, secundum evidentissima Scrae S. dicta, percipimus, resurrectionem mortuorum contra leges naturæ esse, & nihil amplius, ex parte Dei, ad eam requiri, quam ut, (secundum datam hypothesin) leges motus naturalis, pro libero summi Numinis arbitrio, suspendantur, & novus movendi modus introducatur, manifestum est, resurrectionem nullam involvere contradictionem, adeoque non quidem contra rationem esse, sed tamen omnem omnino hominum rationem longissime superare.

O. C., celebramus hodie Festum, multis nominibus nobis lætissimum; Festum, in quo vicit Leo de tribu Juda; Festum, quo mortem & infernum superavit Triumphator maximus; Festum, quo redempta Christianorum cohors omnes lacrymas abstergit, omnem luctum deponit, omnemque lugubrem habitum abjicit; Festum, quo tota Ecclesia, ceu sponsa elegantissime comita, tuum amplectitur sponsum; & ut proprio tandem nomine illud appellem, Festum hodie celebramus, quo Immanuel noster ex sepulchro, mortisque vinculis, potentissime resurrexit. Miraculum sane, quod omnem rationis nostræ captum longissime superascendit! Neque vero opus est, longius inquirere, quomodo resurrectio Salvatoris contra leges motus naturales facta sit: satis enim ex antecedentibus id patet. Nihil etiam derogat huic miraculo, quod sanctissimum corpus totum in atomos non fuerit resolutum: breviter saltem, & pie,

) (;

osten

ostendisse sufficit: particulas defuncti corporis, residuas æq; , ac inter tot, tantosq; cruciatus profusas, & dissipatas, ex alta quiete, prorsus contra naturæ leges, pristinum motum, atqve vigorem, non solum recepisse; sed ita insuper clarificatas esse, atqve sublimatas, ut, una cum divina natura, *πάντα ἐν ἑαυτῇ*, præsentissimo dominio, adimplerint. Accedit etiam, quod miraculi hujus sublimitatem maxime auget, cum non *ἐξουσία* solum, atqve potestas, quam Reformati saltem concedunt, sed etiam ipsa *δύναμις*, atqve potentia, in hunc finem humanæ naturæ sit communicata, easdem particulas se ipsas quoque excitasse, atqve in motum redegisse: & quomodo esse aliter poruit, cum ipsa unio personalis, etiam in ipsa morte illæsa mansisse censenda sit?

Diximus vero antea, nihil huic miraculo derogare, quod sanctissimum Christi corpus totum in atomos non fuerit resolutum: imo potius ingens exinde nobis solatium existit, atqve certitudo, nostra quoque corpora, eadem numero, esse resurrectura.

Vani sunt Sociniani, qui idem numero corpus Christi ex sepulchro prodiisse negant. Crassas, & insulas horum hominum, ubiqve alias nescio quam *ἀκριβείας*, disputandiqve solertiam, jactantium machinationes non satis mirari possumus: cum tot, tamqve clara, adsint argumenta, ut nemo, nisi qui totam hanc historiam in dubium vocare velit, ambigere, præsertim in re tanti momenti, possit. Quid enim Thomas vidit? quid palpatus est? quid reliqui discipuli manibus contrectarunt? nonne idem numero corpus, quod clavis flossum, & suis vulneribus insignitum erat? Firmum ergo stat, & inconcussum, etiam nostra corpora, eadem numero, esse resurrectura. Aut enim falsum habemus Messiam (Te
Deum

DEum, dum hæc scribo, sinceritatis meæ testem invo-
co,) aut etiam eundem Messiam, qui in ligno crucis
pendit, his nostris oculis, in altera vita, non oportet
solum intueri, sed plane necesse est.

At vero, O. C., non sufficit, intellectum suavissi-
marum hujuscemodi idearum repræsentatione pascere
atque oblectare, sed ut voluntas quoque vividam harum
omnium perceptionem habeat, omni modo nobis in san-
ctissimo hoc Festo, imò per totum vitæ tempus, enixe
est elaborandum. Novimus, non solum pios, vi meriti
Christi, sed & impios ad unum omnes, vi justitiæ divi-
næ, esse resurrecturos. Quid autem tunc proderit im-
piis, tantam rerum divinarum habuisse cognitionem?
cum omnis illorum scientia, quod terribile dictu est, in
rationem damnationis sit casura. Equidem ideæ istæ,
de quibus diximus, in se consideratæ, & quod naturam
earum attinet, non sunt inanes, sed efficacissimæ, imo
ipsum vivum Dei verbum, quod facile largimur. Sed
quid juvat, nisi tibi quoque sint efficaces; nisi in te, &
in anima tua, effectum exoptatum præstent? Quomo-
do autem præstabunt, nisi patiari, ut omnia impedi-
menta, & innatam illam carnis corruptæ contuma-
ciam, divina sua, qua gaudent, vi, atque virtute, ex
voluntate quoque tua tollant, atque abstergant?

Agite itaque, O. C. & divinam hanc Doctrinam de
resurrectione Christi, ita amplexamini, ut voluntas quo-
que vestra, omnesque ejus propensiones, ad meliorem
frugem, simul cum Christo, reviviscant. Celebremus,
hortante Paulo, sanctissimum hoc Festum, a quo salus,
fides, justitia, pax, atque conscientiæ tranquillitas,
quam maxime dependent, non in fermento veteri, nec
in fermento malitiæ, atque versutiæ, sed in panibus,
fermento

fermento carentibus, h. e. fide, sinceritate, morum-
que integritate, atque innocentia. Nec est, ut carnis
nostræ contumaciam, dum inevitabili non raro fervore
ebullit, obtendamus. Sane gratia DEI, per gloriosam
Domini nostri resurrectionem jam obliata, tanta vi,
atq; virtute, modo non renitatur, in anima nostra pol-
let, ut, quotiescunq; cum hoste congregimur, illustrior
eadem subinde nobis appareat. Hoc mecum fatebuntur
omnes, qui non in nudis ideis, frustra fabricandis, laborant,
sed qui in spiritu atq; veritate ita incedunt, ut vivi-
dam horū omnium perceptionem, in ipsa quoq; volunta-
te sua, experiantur. Itaq; hoc propositum si recte tenea-
mus, his vestigiis si insistamus, omnia erunt expedita,
atq; soluta. Nulla amplius externa vis, nulla difficultas,
nulla calamitas, ex statu, quem triumphantis Salvato-
ris auspicio tuemur, nos deturbabit. Terreat ergo
lex suis execrationibus, suoque fulmine! Ex surgant
adversus nos omnia peccata nostra! Rugiat Leo infer-
nalis quantum volet! Ipsa justitia DEI pro nostra stat
causa, eandemque in Christo Jesu favorabiliter, gratio-
sissimeque cognoscit; cognitam decedit; decisam ita
exornat, ut triumphantium more, læti, sanctissimo hoc
Festo, cum Apostolo gloriari possimus: *Ubi tuus,
mors, aculeus? Ubi tua, inferne, victoria?
Deo sit gratia, qui dedit nobis victoriam
per Dominum nostrum Jesum Christum.*

P.P. Sub Sigillo RECTORATUS,
ipsa Paschatos FERIA I,
ANNO MDCCXVI,

DEum, dum hæc scribo, sinceritatis meæ t
co,) aut etiam eundem Messiam, qui in
pendit, his nostris oculis, in altera vita,
solum intueri, sed plane necesse est.

At vero, O. C., non sufficit, intellectu
marum hujuscemodi idearum repræsentatio
atque oblectare, sed ut voluntas quoque vivida
omnium perceptionem habeat, omni modo n
tiffimo hoc Festo, imò per totum vitæ tem
est elaborandum. Novimus, non solum pio
Christi, sed & impios ad unum omnes, vi ju
næ, esse resurrecturos. Quid autem tunc p
piis, tantam rerum divinarum habuisse co
cum omnis illorum scientia, quod terribile c
rationem damnationis sit casura. Equiden
de quibus diximus, in se consideratæ, & qu
earum attinet, non sunt inanes, sed efficaci
ipsum vivum Dei verbum, quod facile largi
quid juvat, nisi tibi quoque sint efficaces; n
in anima tua, effectum exoptatum præsent
do autem præstabunt, nisi patiare, ut om
menta, & innatam illam carnis corruptæ
ciam, divina sua, qua gaudent, vi, atque v
voluntate quoque tua tollant, atque abster

Agite itaque, O. C. & divinam hanc De
resurrectione Christi, ita amplexamini, ut vol
que vestra, omnesque ejus propensiones, ac
frugem, simul cum Christo, reviviscant. C
hortante Paulo, sanctissimum hoc Festum,
fides, justitia, pax, atque conscientia tr
quam maxime dependent, non in fermento
in fermento malitiæ, atque versutiæ, sed

